



ՆԵՐՔԻՆ
ԿԱՆՈՆԱԳԻՐ

ՀԱՅ
ՅԵՂԱՓՈԽԱԿԱՆ
ԴԱՇՆԱԿՑՈՒԹԵԱՆ

ԱՄԵՐԻԿԱՅԻ
ԿՕՄԻՏԷՆԵՐՈՒ

1921, ՅՈՒՂԻՍ

ՆԵՐՔԻՆ ԿԱՆՈՆԱԳԻՐ
ՀԱՅ ՅԵՂԱՓՈԽԱԿԱՆ ԴԱՇՆԱԿՑՈՒԹԵԱՆ
ԱՄԵՐԻԿԱՅԻ ԿՕՄԻՏԵՆԵՐՈՒ

Ն Ա Խ Ա Բ Ա Ն

Հայ Յեղափոխական Դաճակցութեան Ամերիկայի կօմիտէները կազմակերպուած են Հ. Յ. Դ. Ընդհանուր Պատգամաւորական Ժողովի գերագոյն իրաւասութեան տակ, աջակցելու համար Հ. Յ. Դաճակցութեան հետապնդած իտէալի իրագործումին, համաձայն անոր Ծրագրին եւ Ընդհանուր Պատգամաւորական Ժողովի որոշումներուն:

Ամերիկայի Դաճակցական կազմը. — Կազմակերպուած 1896ին — պաշտօնապէս ճանչցուած է Հ. Յ. Դ. 1898-ին գումարուած Բ. րդ Ընդհ. Պատգամաւորական Ժողովի կողմէն, որուն առաջին անգամ հրաւիրուած է մասնակցելու: Եւ, այդ Ընդհանուր Ժողովին մշակած կանոնադրութեան յօդուած 30-ի համաձայն խմբագրուած է հետեւեալ կանոնադրերը Ամերիկայի Հ. Յ. Դաճակցական շրջանը ղեկավարելու համար:

ԱՆԴԱՄԱԿՑՈՒԹԻՒՆ

ՅՕԴ. 1. — Բարոյականի տէր ամէն չափահաս հայ անհատ (առնուաղն 18 տարեկան) առանց կրօնի եւ սեռի խտրութեան, կրնայ անդամակցել Հ. Յ. Դ. Ամերիկայի կօմիտէի մը կամ խումբի մը, եթէ

կ'ընդունի կուսակցութեան ծրագիրն ու գործելակերպը, կ'ենթարկուի կանոնադրին եւ ամէն ջանքի գործ կը դնէ կեանքին մէջ գանձնաբեր իրականացնելու:

ՅՕԴ. 2.— Ուրիշ ոեւէ հայ քաղաքական կուսակցութեան սրտականող անձ չի կրնար անդամակցել Դաշնակցական կոմիտէի մը:

ՅՕԴ. 3.— Կոմիտէի մը անդամակցութեան թեկնածուն զրաւոր եւ կամ ընկերի մը միջոցով կը դիմէ իր վայրի կոմիտէին, յայտնելով իր փափաքը: Կոմիտէն ծանօթ ընկերի մը միջոցով կը զրկէ դիմումագրի օրինակի մը, զոր թեկնածուն կը լեցնէ եւ ստորագրելով կը վերադարձնէ կոմիտէին: Կոմիտէն թեկնածուի նկարագրին, բարոյականին եւ շ. Յ. Դաշնակցութեան մասին անոր ունեցած ծանօթութեան մասին համոզում գոյացնելէ ետքը, որոշում կը կայացնէ եւ դաշն կը հաղորդէ թեկնածուին, զրաւոր եւ կամ բերանացի կերպով, ընկերով մը միջոցաւ:

ՅՕԴ. 4.— Ընդունուած թեկնածուն կը հրաւիրուի կոմիտէի յաջորդ անդամական ժողովին եւ կ'ընէ հետեւեալ ուխտը:—

Կ'ուխտեմ բոլոր ընկերներու ներկայութեան հաւատարիմ մնալ շ. Յ. Դաշնակցութեան դրօշին, իրականացնել անոր հետապնդած նպատակները եւ յարգել ծրագիր-կանոնագրի բոլոր տրամադրութիւնները:

ՅՕԴ. 5.— Ամերիկայէն դուրս գտնուող դաշնակցական ոեւէ խումբի կամ կոմիտէի անդամ եթէ պատշաճ յանձնարարական չի կրնար բերել տալ կամ

ներկայացնել, կ'ընդունուի իբր նոր անդամ:

ՅՕԴ. 6.— Ամէն ընկեր իր տեղի կոմիտէին անդամակցելու է: Երբ ընկեր մը բանաւոր պատճառունի իր վայրի կոմիտէին չը պատկանելու, ուրիշ կոմիտէի մը անդամակցելու համար պէտք է ստանայ իր կոմիտէի, իսկ զժողովութեան պարագային՝ Կեդր. Կոմիտէի հաւանութիւնը:

ՅՕԴ. 7.— Ամէն նոր ընկեր առանց բացառութեան կոմիտէի մէջ ընդունուած պահուն առնուազն մէկ տօլար մուտք կը վճարէ:

ՅՕԴ. 8.— Ամէն դաշնակցական կը վճարէ Ամերիկայի Պատու. Ժողովին կողմէ որոշուած ամսա-վճարը:

ԾԱՆՕԹ.— Ուսանող ընկերներ եթէ հնարաւորութիւն ունին, կ'ենթարկուին 7-րդ եւ 8-րդ յօդուածներու տրամադրութեան. հակառակ պարագային՝ ազատ են ամսատուրք վճարել:

ՅՕԴ. 9.— Այն դաշնակցականները, որոնց կոմիտէն կամ խումբը կազմալուծուած է անդամներու օրինական թիւը պակասած ըլլալուն պատճառով, իրենց տուրքը կը զրկեն մերձաւոր կոմիտէի մը: Իսկ մեկուսի վայր մը գտնուող ընկերները տուրքը կըրնան զրկել ուղղակի Կեդր. Կոմիտէին:

ԾԱՆՕԹ.— Կազմալուծուած վայրի անհատ դաշնակցականներու անդամավարձն ստացող կոմիտէն, պարտաւոր է գանձնաբեր պահել կազմակերպական գործունէութեան մասին. այդ պարագային, սոյն անհատները կը նկատուին անդամ յիշեալ կոմիտէին:

307. 10.— Իրաւասու դաշնակցական կը կոչուին այն ընկերները, որոնք

Ա) Կուսակցական ամբաստանութեան տակ չեն գտնուիր.

Բ) Կօմիտէի ընկերական ժողովներուն կանոնադրապէս ներկայ գտնուած են (յարգելով բացառկայութեան բանաւոր պատճառները).

Գ) Կազմակերպական տուրքերը ամբողջապէս վճարած են կամ նիւթական անկարողութեան պատճառով կօմիտէին կողմէ արտօնուած են չվճարելու:

ԾԱՆՕԹ. Ա.— Իրաւասու դաւանակցականները միայն կրնան պատշոյնի կոչուիլ եւ ընտրուիլ գործադիր մարմնի անդամ, պատգամաւոր, դատաւոր, եւայլն:

ԾԱՆՕԹ. Բ.— Առանց բանաւոր պատճառի 3 անգամ շարունակաբար կօմիտէի անդամական ժողովներէն բացալակող ընկերը երկու անգամ ձայնի եւ քուէի իրաւունքէն կը զրկուի, իսկ մէկ տարուան ընթացքին ուրքը ժողովներէ յաջորդաբար բացակայողը՝ հեռացուած կը նկատուի դաւանակցական շարքերէ:

307. 11.— Կօմիտէ մը կամ խումբ մը կրնայ մասնաւոր ղեկընթեքներ տալ իր այն անդամներուն, որոնք բանաւոր պատճառներով անկարող կը լինին վճարելու կազմակերպական տուրքերը:

ԿՕՄԻՏԵ ԵՒ ԽՈՒՄԲ

307. 12.— Նոյն տեղը գտնուող հինգ կամ աւելի անձեր միասին դալով եւ Ամերիկայի Կեդր. Կօ-

միտէի վաւերացումը ստանալով կը կազմեն Կօմիտէ մը:

ԾԱՆՕԹ.— Հինգ հոգիէ պակաս եւ առնուազն երեք անձեր կրնան կազմել խումբ մը, եթէ հնարաւորութիւն չունին մասնակցելու մօտակայ Կօմիտէի մը:

307. 13.— Խումբը ունի Կօմիտէի մը բոլոր իրաւունքներն ու պարտականութիւնները. բայց չի կրնար մասնակցել Պատգմ. Ժողովներու:

307. 14.— Կօմիտէի մը կամ խումբի մը կազմութեան համար հարկ եղած օրինական քննութիւնն ու ձեւակերպութիւնը կը կատարէ Կեդր. Կօմիտէի ներկայացուցիչը եւ կամ մօտակայ Կօմիտէի ներքին մէկը եւ կը տեղեկագրէ Կեդր. Կօմիտէին:

307. 15.— Կօմիտէն պարտաւոր է առնուազն ամիսը անգամ մը անդամական ժողով գումարել: Ժողովը օրինական կը համարուի, երբ ընկերներու մեծամասնութիւնը ներկայ է. հակառակ պարագային՝ երկրորդ հրաւերին պատասխանող ընկերներու թիւը օրինական կը համարուի:

307. 16.— Կօմիտէի ժողովին կրնայ ներկայ գտնուիլ ուրիշ Կօմիտէի պատկանող ընկեր մը՝ իբրեւ հիւր՝ եթէ գէթ երկու տեղացի ընկերներ կը հաստատեն եւ եթէ ժողովը կ'արտօնէ:

307. 17.— Կօմիտէն իր յանձնարարականներուն մէջ մէջտ յիշատակելու է թէ յանձնարարուած ընկերը իր տուրքերուն որքանը վճարած է եւ ո՞րքանը ապառիկ թողած եւ թէ՛ Բ՞նչ է եղած իր վարմունքը Կօմիտէին մէջ:

307. 18.— Կօմիտէն պարտաւոր է իր մէջէն

արտաքուստ կամ ուրիշ պատճառով հեռացած ան-
դամին անուշը անմիջապէս հաղորդել Կեդր. Կոմի-
տէին :

ՅՕԴ. 19.— Կոմիտէն ջանալու է ըստ կարելի-
ւոյն յաճախ գումարել համակրական եւ հրապա-
րակային ժողովներ : Հրապարակային ժողովներու
ատենախօսները կը հրաւիրուին Կեդր. Կոմիտէին
միջոցով :

ՅՕԴ. 20.— Կոմիտէն հաւաքաբար պատասխա-
նատու է իր դանձին եւ դոյզին համար :

ՅՕԴ. 21.— Կոմիտէն պարտաւոր է իր դանձին
մէջ հաւաքուած գրամները ղրկել երեք ամիսը ան-
դամ մը Կեդր. Կոմիտէին, պահելով միայն 15 առ
հարիւրը՝ իր տեղական դուռ կադմակերպական ըն-
թացիկ ծախսերուն համար :

ՅՕԴ. 22.— Պատգամաւորական ժողովի դու-
մարումէն մէկ ամիս առաջ Կոմիտէն պարտաւոր է
իր բոլոր տուրքերը վճարած ըլլալ եւ հաշիւները
մանրամասնօրէն ներկայացուցած Կեդր. Կոմիտէ-
ին :

ՅՕԴ. 23.— Կոմիտէն է յարաբերութեան պաշ-
տօնական կապը իր մէկ անդամին եւ ուրիշ դաշնակե-
ցական մարմիններու միջեւ :

ՅՕԴ. 24.— Կոմիտէն եթէ իր օրինական նուա-
զագոյն թիւը կորսնցնէ, կը վերածուի խումբի. իսկ
եթէ այս վերջինն ալ կորսնցնէ իր օրինական նուա-
զագոյն թիւը, ինքնին կը համարուի լուծուած :
Լուծուած Կոմիտէի մը կամ խումբի մը դոյզերը կը
յանձնուին Կ. Կոմիտէին :

ՎԱՐՉԱԿԱՆ ՄԱՐՄԻՆ

ՅՕԴ. 25.— Կոմիտէն կ'ունենայ իր վարչական
մարմինը, որ կը բաղկանայ 3-5-7 անդամներէ :
Վարչական մարմինը կ'ունենայ իր դիւանը :

ՅՕԴ. 26.— Վարչական մարմինը կ'ընտրուի
գաղտնի քուէներու մեծամասնութեամբ (պայմանաւ
որ ընտրութեան մասին կանխաւ ծանուցուած ըլ-
լայ ընկերներուն) վեց ամսուան համար. անդամնե-
րը վերընտրելի են : Ընտրութիւնները կատարուած
ըլլալու են մինչեւ յունիս եւ դեկտեմբեր ամիսներու
վերջերը : Ընտրութիւններու արդիւնքը անմիջապէս
տեղեկագրուելու է Կեդր. Կոմիտէին :

ՅՕԴ. 27.— Վարչութեան դիւանը կը ստանայ
Կոմիտէին անուշով եկած նամակները, զանոնք կը
ներկայացնէ Կոմիտէի առաջիկայ ժողովին եւ կը
վարէ Կոմիտէի ընթացիկ գործերը՝ Կոմիտէի որո-
շումներուն համաձայն :

ՄԱՆՕԹ.— Կոմիտէին ուղղուած պաշտօնական
ամէն գրութիւն անդամական ժողովին մէջ կը կար-
դացուի եւ ապա պահ կը դրուի Կոմիտէի ատենա-
դպիրին ֆոլ :

ՅՕԴ. 28.— Ստիպողական պարագաներու տակ
միայն, երբ հնարաւոր չէ անդամական ժողովի դու-
մարել, վարչութիւնը պէտք է տնօրինութիւն մը
ընէ անյետաձգելի խնդրոյ մը մասին եւ ներկայա-
ցընէ զայն Կոմիտէի յառաջիկայ ժողովի վաւերաց-
ման :

ՅՕԴ. 29.— Վարչական մարմնի անդամ, պատ-
գամաւոր, դատաւոր, եւլն. կրնան ըլլալ միայն այն
ընկերները, որոնք գէթ տարի մը անընդհատ գտնը-

ւած են Դաշնակցութեան Ամերիկայի կաղմին մէջ եւ վեց ամիս՝ տեղական կոմիտէին մէջ եւ իրաւասու են յօդուած 10-ի համաձայն:

ԾԱՆՈԹ.— Բացառութիւն կը կազմեն նորակազմ կոմիտէները:

ՅՕԴ. 30.— Կեդր. Կոմիտէի անդամ մը, ինչպէս նաեւ դործիչ ընկեր մը, չեն կրնար ըլլալ վարչական մարմնի եւ Շրջանային Խորհուրդի անդամ կամ պատգամաւոր:

ՅՕԴ. 31.— Եթէ վարչական մարմինը անհոգ, թոյլ եւ պարտադանց գտնուի եւ այդ պարտքան հաստատուի, կոմիտէն կրնայ լուծել զայն մեծամասնութեան քուէով՝ պաշտօնավարութեան շրջանի լրումէն առաջ եւ նոր մը ընտրել:

ՅՕԴ. 32.— Ատենապետին պարտականութիւնն է կոմիտէն ժողովի հրաւիրել, հսկել ժողովին կարգապահութեանը եւ ատենադպիրին հետ ստորագրել պաշտօնական թուղթերը:

ՅՕԴ. 33.— Ատենադպիրը կը կատարէ կոմիտէի բոլոր դրանոր դործերը եւ պատասխանատու է կոմիտէի բոլոր թուղթերու անվթար պահպանումին համար, բացի դանձային թուղթերէն: Ատենադպիրը ունենալու է անուագն երկու տոմար՝ առաջինին մէջ համառօտիւ արձանագրելու համար կոմիտէական ժողովներու ատենագրութիւնները, երկրորդին մէջ՝ կոմիտէի անդամներուն անունը, անհամաձայնութիւնները: Այս վերջին տոմարին մէջ կ'արձանագրուին նաեւ անդամներու մասին ծանոթութիւններ (մահ, տեղափոխում, հեռացում, արտաքսում, եւլն. եւլն.):

ՅՕԴ. 34.— Գանձապահին պարտականութիւնն է.

Ա) Ստանալ եւ պահել կոմիտէի անունով զրկւած կամ դանձուած բոլոր դումարները.

Բ) Կատարել կոմիտէի որոշած բոլոր ծախքերը.

Գ) Ունենալ արկղի տոմար մը ուր մանրամասնօրէն նշանակելու է կոմիտէի ելքը եւ մուտքը (հրապարակով կատարուած հանդանակութեան դումարները առանձին առանձին արձանագրելու է տոմարին մէջ).

Դ) Ամէն ամիս կոմիտէի ելեւմտական հաշիւը ներկայացնել անդամական ժողովին.

Ե) Կոմիտէին որոշումով ընթացիկ ծախքերու համար արտօնուած դումարը վար դնելով, գանձին մէջ մնացած դրամը զրկել Կեդր. Կոմիտէին ամէն երեք ամիսը անդամ մը:

ՅՕԴ. 35.— Կոմիտէի թղթակցութիւնները կը կատարուին պաշտօնական քղբի վրայ (որ կը հայթայթուի Կեդր. Կոմիտէին կողմէ) եւ կը ստորագրուին ատենապետին եւ ատենադպիրին կողմէ: Գանձային հաշիւները ստորագրելու է նաեւ գանձապետը:

ԾԱՆՈԹ.— Հասարակ քղբի վրայ եւ կեղծ անուններով ստորագրուած գրութիւնները կը նկատուին անվաւեր:

ՅՕԴ. 36.— Կոմիտէի ստացած բոլոր նամակները, չգործածուած անդամատուրները եւ դրոշմները ամէն տարեշրջանի վերջը, Պատգմ. ժողովի դումարումէն ամիս մը առաջ, կը զրկուին Կեդր. Կոմիտէին:

ԾԱՆՈԹ. — Շրջաբերականները կ'օմիտէի ժողովին մէջ կարդացուելէ ետք, անմիջապէս կը վերադարձուին Կ. Կօմիտէին:

Գ Ո Ր Ծ Ի Զ Ն Ե Ր

ՅՕԴ. 37. — Գործիչ կը ճանչցուին ա'յն ընկերները, որոնք Կեդր. Կօմիտէի կողմէ կը հրաւիրուին աջակցելու Ամերիկայի մէջ Հ. Յ. Դաշնակցութեան գրաւոր եւ բերանացի փրօփականտի դործին:

ՅՕԴ. 38. — Գործիչները եւ միւս պատասխանատու պաշտօնականները (տես Ծանօթ. Յօդուած 45) պարտաւոր են հետեւիլ Կեդր. Կօմիտէի հրահանգներուն. հակառակ պարագային Կեդր. Կօմիտէն իրաւունք ունի զանոնք պաշտօնանկ ընելու:

ԿԵԴՐՈՆԱԿԱՆ ԿՕՄԻՏԷ

ՅՕԴ. 39. — Հ. Յ. Դաշնակցութեան Ամերիկայի Կեդր. Կօմիտէն Ամերիկայի դաշնակցական կօմիտէներու դործադիր իշխանութիւնն է: Ան է Ամերիկայի Դաշնակցութեան պաշտօնական ներկայացուցիչը թէ՛ երկրի եւ թէ՛ արտասահմանի դաշնակցական մարմիններուն, ինչպէս նաեւ հայ կամ օտար կաղամակերպութիւններու առջեւ եւ անոր միջոցով միայն կրնան կատարուիլ կօմիտէներու բոլոր պաշտօնական յարաբերութիւնները վերը յիշուած մարմիններուն հետ:

ՅՕԴ. 40. — Կեդր. Կօմիտէին պարտականութիւնն է.

Ա) Գործադրել Հ. Յ. Դ. Ամերիկայի Պատգամաւորական Ժողովի որոշումները.

Բ) Նոր կօմիտէներ կաղամակերպելու հետամուտ ըլլալ.

Գ) Մղում տալ կօմիտէներու դործունէութեան եւ քննել անոնց հաշիւները.

Դ) Հրապարակային ժողովներու համար ատենախօսներ պատրաստել.

Ե) Հետամուտ ըլլալ որ կօմիտէներու մէջ ծագած սեւէ խնդիր օրինական ճամբով լուծում մը գտնէ.

Զ) Շրջաբերականով հաղորդել կօմիտէներուն մեր կաղամակերպութեան դործունէութեան վերաբերեալ լուրերը.

Է) Կօմիտէներէն պահանջել եռամսեայ հաշուեկիչի եւ տեղեկագրեր, այդ մասին պատրաստուած մասնաւոր հարցարաններու միջոցով.

Ը) Իւրաքանչիւր եռամսեայ տեղեկագիրը ամփոփելով՝ հաղորդել կօմիտէներուն.

Թ) Կաղամակերպել պարբերական դասախօսական կամ խորհրդակցական ժողովներ՝ պատրաստելու համար ատենախօս-փրօփականտիսթներ զանազան շրջաններու կարող ընկերներէն:

ՅՕԴ. 41. — Կեդր. Կօմիտէն կաղամակերպական ո'ւէէ կարելոր խնդրի առթիւ, խորհրդակցութեան համար կրնայ հրաւիրել կարող ընկերներ: Շրջանի բանաւոր եւ գրաւոր փրօփականտին աջակցող ընկերներէ խորհրդակցական ժողով կը գումարուի նաեւ ա'յն պարագային, երբ հարցի մը մասին Կեդր. Կօմիտէն չի կրնար երկու երրորդով որոշում տալ եւ փոքրամասնութիւնը կը պահանջէ խորհրդակցական ժողով:

307. 42.— Կեդր. Կօմիտէն կը բաղկանայ 9 անդամներէ, որոնք կ'ընտրուին Պատգ. Ժողովի կողմէն, մէկ տարի պաշտօնավարութեան շրջանով եւ վերընտրելի են:

307. 43.— Կեդր. Կօմիտէի ընտրելի կրնան ըլլալ միայն այն ընկերները, որոնք մինչեւ ընտրութեան օրը գէթ երեք տարի անընդհատ գտնուած են Դաշնակցութեան մէջ եւ իրաւասու եղած են:

307. 44.— Կեդր. Կօմիտէի ընտրելի չեն կրնար ըլլալ.

Ա) Կուսակցական դատական ամբաստանութեան տակ գտնուող ընկերները.

Բ) Արտաքսուած եւ վերստին ընդունուած ընկերները, իրենց կրկին անգամ ներս ընդունուած թուականէն մինչեւ երեք տարի:

307. 45.— Եթէ Կեդր. Կօմիտէի մէկ կամ աւելի անդամները պակսին, Կեդր. Կօմիտէն Պատգ. Ժողովին մէջ առաւելագոյն քուէ ստացող ընկերներու ցանկը կը զրկէ Կօմիտէներուն, որոնք այդ ցանկի վրայէն կ'ընտրեն պակսած անդամը կամ անդամները:

ԾԱՆՈԹ.— Կեդր. Կօմիտէի անդամ մը չի կրնար պատասխանատու պաշտօն ստանձնել (պատասխանատու պաշտօնեաներ եւ «Հայրենիք»ի խմբագիր եւ մէկնըր, «Ասպարէզ»ի խմբագիր եւ մէկնըր եւ գործիչ ընկերներ):

307. 46.— Եթէ Կեդր. Կօմիտէի անդամներու

թիւին կէսէն աւելի պակսի, արտակարգ Պատգ. Ժողով կը գումարուի նոր ընտրութիւն կատարելու համար:

ԿԵՂՐ. ԿՕՄԻՏԵԻ ԴԻԻԱՆ

307. 47.— Կեդր. Կօմիտէն կ'ընտրէ իր դիւանը, որ կը բաղկանայ ատենապետէ, ատենադպիրէ եւ դանձապահէ:

307. 48.— Ատենապետին պարտականութիւնն է.

Ա) Ատենապետել Կեդր. Կօմիտէի Ժողովներուն.

Բ) Ատենադպիրին հետ խորհրդակցելով հոգածու ըլլալ որ Կեդր. Կօմիտէի գործերը անթերի եւ անյատաղ առաջ տարուին.

Գ) Ատենադպիրին հետ բանալ եւ կարգալ Կեդր. Կօմիտէին եկած նամակները.

Դ) Պահել Հ. Յ. Դ. Ամերիկայի Կեդր. Կօմիտէի հայերէն եւ անգլիերէն կնիքները եւ ստորագրել ու կնքել ատենադպիրին եւ ի հարկին դանձապահին հետ պաշտօնական բոլոր թուղթերը:

307. 49.— Ատենադպիրին պարտականութիւնն է.

Ա) Կեդր. Կօմիտէի Ժողովներուն համառօտ ատենադրութիւնը արձանագրել յատուկ տոմարի մը մէջ.

Բ) Գանձային խնդիրներէն զատ՝ ամէն կարգի դրութիւններ՝ շրջաբերական, նամակ եւ այլն պատրաստել.

Գ) Ունենալ Ամերիկայի բոլոր Կօմիտէներու մանրամասն անդամական ցանկը եւ նշանակել հոն

մահերը, հրաժարումները, տեղափոխումները, դադարեցումները եւ արտաքսումները.

Գ) Կեղեր. Կոմիտէին եկած բոլոր դրութիւնները բանալ եւ հաղորդել միւս անդամներուն՝ անոնց կարծիքները ստանալու համար.

Ե) Խնամով պահել Կեղեր. Կոմիտէի անունով իրեն յանձնուած բոլոր դրութիւնները՝ Պատգմ. Ժողովին ներկայացնելու համար.

Զ) Գանձապահին ընկալագրերը արձանագրել ատենապետին հետ եւ մասնաւոր տոմարի մը մէջ արձանագրել այդ գումարները.

Է) Պատրաստել Պատգմ. Ժողովին ներկայացուելիք տարեկան մանրամասն տեղեկագիրը.

Ը) Կազմել եւ պահել Կեղեր. Կոմիտէի բոլոր գոյքերու ցուցակը:

ՅՕԴ. 50.— Գանձապահին պարտականութիւնն է.

Ա) Ստանալ Կեղեր. Կոմիտէի անունով եկած բոլոր գումարները եւ ընկալագրերը զրկել ատենապետին միջոցով.

Բ) Դրամ յանձնել, զրկել եւ ծախքեր ընել Կեղեր. Կոմիտէի զբաւոր սրոշումով՝ վաւերացուած ատենապետի եւ ատենադպիրի ստորագրութիւններով.

Գ) Տոմարի մը մէջ կանոնաւորապէս եւ մասնաւորապէս արձանագրել Կեղեր. Կոմիտէի ելեւմուտքը.

Դ) Իր կատարած վճարումներուն եւ ծախքերուն ընկալագրերն ու արդարացուցիչ վաւերաթուղթերը յանձնել քարտուղարին.

Ե) Ամիսը անդամ մը Կեղեր. Կոմիտէին ներկայացնել իր արկղին հաշիւը:

ՅՕԴ. 51.— Կեղեր. Կոմիտէն հաւաքաբար պատասխանատու է գանձապահին յանձնուած բոլոր գումարներուն համար եւ հետեւաբար ապառ է գանձին ապահովութեան համար ընել իր անհրաժեշտ սեպած կարգադրութիւնները:

ԾԱՆՕԹ.— Ապահովութեան լաւագոյն միջոցն է գանձապահը եւ անոնապիրը դնել երաշխաւորութեան (պանս) տակ:

ՅՕԴ. 52.— Կեղեր. Կոմիտէն պարտաւոր է իր բոլոր հաշիւները, ինչպէս նաեւ բոլոր դրութիւնները Պատգմ. Ժողովին օրը բերել դնել պատկան յանձնախումբերու տրամադրութեան տակ:

ՅՕԴ. 53.— Կեղեր. Կոմիտէն պարտաւոր է Պատգմ. Ժողովի գումարումէն երկու ամիս առաջ.—

Ա) Հաղորդել բոլոր կոմիտէներուն Պատգմ. Ժողովի գումարման օրն ու տեղը.

Բ) Պահանջել կոմիտէներէն իրենց տարեկան հաշուեկշիւները ու տեղեկագիրները.

Գ) Պահանջել որ տուրքերու հաշիւէն ապառիկ ունեցող կոմիտէները փութան իրենց հաշիւները գոցել եւ դրամը հասցնել Կեղեր. Կոմիտէին:

ԿԱԶՄԱԿԵՐՊՈՒԹԵԱՆ ԴԷՄ ՅԱՆՅԱՆՔՆԵՐ

ՅՕԴ. 54.— Կազմակերպութեան դէմ յանցաւոր կը նկատուի այն ընկերը, որ.

Ա) Դաշնակցական կարգապահութեան դէմ անաստող ընթացք մը կը բռնէ:

Բ) Կօմիտէի մը ներքին գործերու մասին ուրիշներուն կը խօսի.

Գ) Սուտ եւ սխալ տեղեկութիւններ կուտայ իր մասին՝ Կօմիտէին մէջ ընդունուելու համար.

Դ) Գոնհիկ կամ անպատշաճ լեզու կը գործածէ Կօմիտէի ժողովին մէջ.

Ե) Դիտմամբ կը խանգարէ Կօմիտէի ժողովը կամ անպատշաճ վարմունք մը կ'ունենայ հոն.

Ձ) Կօմիտէի ժողովը կը մտնէ արեւցած վիճակի մէջ.

Ի) Դաշնակցական դատարանի ներկայանալէ կը խուսափի.

Ը) Կօմիտէի կամ ուրիշ ոեւէ դաշնակցական մարմնի մը որոշումները կամ Դաշնակցութեան յեղափոխական գաղտնիք կազմող տեղեկութիւնները կը հաղորդէ ոչ-դաշնակցականներու.

Թ) Կեդր. Կօմիտէին կամ Պատգմ. ժողովին տեղեկութիւններն ու որոշումները, որոնք այդ մարմիններուն մէջ մնալ սահմանուած են, կը հաղորդէ այդ մարմիններէն դուրս գտնուող ընկերներու.

Ժ) Գիտակցարար երեսի վրայ կը ձգէ կամ առանց բանաւոր պատճառի կը մերժէ կատարել իրեն յանձնուած պաշտօն մը.

ԺԱ) Կազմակերպութեան անունը չարաչար կը գործածէ դրամական շահու համար.

ԺԲ) Կօմիտէին պատկանող ոեւէ դուժար կամ ինչք կ'իւրացնէ եւ կամ չարաչար կը գործածէ.

ԺԳ) Արեւցութեամբ, խաղամոյութեամբ եւ կամ ուրիշ անբարոյական արարքներով դայթակ-

ղութիւն կը պատճառէ իր ընկերներուն եւ հասարակութեան.

ԺԴ) Գիտակցարար գործադուլ աւելնել կը վնասէ աշխատանքական շարժումին:

ՅՕԴ. 55.— Երբ Կեդր. Կօմիտէի անդամներէն մէկը զեղծում մը գործէ, ընկերական ատեանի կը հրաւիրուի, զոր կը կազմեն Կեդր. Կօմիտէի միւս բոլոր անդամները, գործիչները եւ Շրջանային Խորհուրդներու մէկ մէկ ներկայացուցիչները, հաւասար ձայնով: Ատեանը լիազօր է պաշտօնանկ ընելու ամբաստանուածը:

ՅՕԴ. 56.— Երբ Կ. Կօմիտէն պարտադանց ըլլայ կամ ապօրինի ընթացքի մէջ գտնուի, անկէ բացառութիւն կրնայ պահանջել ամէն Կօմիտէ: Տըրուած բացառութիւնները անբաւարար նկատուելու պարագային՝ Կօմիտէն իր Շրջ. Խորհուրդին միջոցաւ խնդիրը կը յանձնէ ուշադրութեանը իր շրջանի Կօմիտէներուն, որոնք եթէ համակարծիք գտնուին՝ բացառութիւն կը պահանջեն Կ. Կօմիտէէն. եւ երբ անոնք ալ գոհացում չտանան ու խնդիրը ծանրակշիռ նկատուի, կը դուժարուի Շրջանային արտակարգ Պատգմ. ժողով:

Այս ժողովին որոշումով՝ Շրջ. Խորհուրդը կը դիմէ Ամերիկայի բոլոր Կօմիտէներուն եւ կ'ստանայ անոնց կարծիքը արտակարգ Պատգմ. ժողով մը դուժարելու մասին՝ յանձնարարելով որ ամէն Կօմիտէ իր որոշումը հաղորդէ թէ՛ իրեն եւ թէ՛ Կ. Կօմիտէին:

Եթէ Կօմիտէներու մեծամասնութիւնը անհրաժեշտ դատէ, Շրջ. Խորհուրդը կը պահանջէ Կ. Կօ-

միտէն արտակարգ Պատգամ. Ժողով գումարել առ առաւելն երկու ամիսէն, եւ եթէ Կ. Կօմիտէն չկատարէ այս պահանջը՝ Ծրջ. Խորհուրդը կը հրաւիրէ Ամերիկայի բոլոր կօմիտէները արտակարգ Պատգամ. Ժողովի:

307. 57.— Զանցառու եւ պարտադանց Կ. Կօմիտէն բացատրութիւն կրնայ պահանջել ուրիշ Ծրջ. Խորհուրդ, եւ եթէ գոհացում չստանայ՝ իրենդէ կը յանձնէ ուղարկութեանը իր շրջանի կօմիտէներուն, որոնք իրենց կարգին բացատրութիւն կը պահանջեն Կ. Կօմիտէն. եւ երբ չտրուին բաւարար բացատրութիւններ՝ կը գումարուի Ծրջանային արտակարգ Պատգամ. Ժողով:

Այս Ժողովին որոշումով՝ Ծրջ. Խորհուրդը կը դիմէ Ամերիկայի բոլոր կօմիտէներուն եւ կ'ստանայ անոնց կարծիքը արտակարգ Պատգամ. Ժողով մը գումարելու մասին՝ յանձնարարելով որ ամէն կօմիտէ իր որոշումը հաղորդէ թէ՛ իրեն եւ թէ՛ Կ. Կօմիտէին:

Եթէ կօմիտէներու մեծամասնութիւնը անհրաժեշտ դատէ, Ծրջ. Խորհուրդը կը պահանջէ Կ. Կօմիտէն արտակարգ Պատգամ. Ժողով գումարել առ առաւելն երկու ամիսէն, եւ եթէ Կ. Կօմիտէն չկատարէ այս պահանջը՝ Ծրջ. Խորհուրդը կը հրաւիրէ Ամերիկայի բոլոր կօմիտէները արտակարգ Պատգամ. Ժողովի:

ԲՈՂՈՔ ՆԵՐԿԱՅԱՅՆԵԼՈՒ ԵՒ ՆԿԱՏԻ ԱՌՆԵԼՈՒ
ԵՂԱՆԱԿԸ

307. 58.— Ամէն բողոք՝ ուրիշ ընկերի, ընկեր-

ներու եւ կամ մարմինի դէմ՝ դրաւոր կերպով կը ներկայացուի պատկան մարմինի օրինաւոր Ժողովին:

307. 59.— Պատիժները չորս կարգի կը բաժնուին.—

Ա) Յանդիմանութիւն.

Բ) Քուէէ զրկում.

Գ) Դրամական տուգանք.

Դ) Արտաքսում:

307. 60.— Թեթեւ յանցանքներու համար առանապետը Ժողովի ընդհանուր կարծիքը առնելէ յետոյ՝ համապատասխան որոշում կը պահանջէ: Ծանր յանցանքներու համար Ժողովի ընդհանուր կարծիքը լսելէ վերջ՝ առանապետը կը պահանջէ որ, բայց քուէով ընտրուի 3-5 անդամ ունեցող դատական յանձնախումբ մը (դատ. յանձնախումբի անդամները պէտք է դատին հետ ունէն առնչութիւն չունենան):

307. 61.— Դատական յանձնախումբին յանձնուած դատը կը քննուի կօմիտէի Ժողովին դուրս եւ արդիւնքը դրաւոր կերպով կը ներկայացուի յաջորդ Ժողովին:

307. 62.— Շահագորդողուող կողմերը ներկայ կ'ըլլան դատի քննութեան՝ իրենց տեսակէտները պարզելու եւ, ի պահանջել հարկին, յանձնախումբին տալու հարկ եղած փաստերն ու տեղեկութիւնները: Յանձնախումբը երկու կողմերը, ինչպէս նաեւ վկաները, լսելէ յետոյ, առանձինն կուտայ իր վճիռը:

307. 63.— Դատական յանձնախումբի վճիռ-

ները կ'անցնին մեծամասնութեան քուէով եւ կը վաւերացունին կամ կը մերժունին կօմիտէին կողմէն:

ՅՕԴ. 64.— Եթէ ամբաստանեալը կամ բողոքարկուն բացակայի (բանաւոր բացակայութիւնը դրաւոր կերպով եւ ժամանակին հասցնելու է պատկան մարմինին) դատական յանձնախումբը կը շարունակէ դատաւարութիւնը եւ կ'արձակէ իր վճիռը:

ՅՕԴ. 65.— Ուեէ ընկեր որ դատ. յանձնախումբին կողմէ կը հրաւիրուի վկայութիւն կամ տեղեկութիւն տալու, պարտաւոր է ներկայանալ ատենին եւ դոհացում տալ եղած հարցապնդումին. հակառակ պարագային յանցաւոր կը նկատուի:

ՅՕԴ. 66.— Պատիժի (յանդիմանութիւն, քուէէ զրկում, դրամական տուգանք եւ արտաբերում) բանաձեւը կօմիտէի ժողովին մէջ կը կարգացուի դատապարտուած ընկերոջ ներկայութեան. եթէ ընկերը խոյս տայ որոշուած օրը ներկայանալէ եւ պատիժը լսելէ՝ կը զրկուի դաշնակցական բոլոր իրաւունքներէն, մինչեւ որ ներկայանայ եւ լսէ պատիժը:

ԲՈՂՈՔ ԴԱՏԱՎՃԻՌԻՆ ԴԵՄ

ՅՕԴ. 67.— Կօմիտէի մը դատաւճիռին դէմ եղած բողոքը կ'ուղղուի Շրջանային Խորհուրդին. դոհացում չստացուելու պարագային՝ Կեդր. Կօմիտէին: Բոլոր բողոքները պէտք է ներկայացնել դատաւճիռը հաղորդուած օրէն առ առաւելն ամիս մը ետքը:

ՅՕԴ. 68.— Բողոքարկուն իր բողոքագիրը

կ'ուղղէ կօմիտէին, որ այդ դրութիւնը դատին վերաբերեալ բոլոր թուղթերուն հետ կը զրկէ Շրջ. Խորհուրդին եւ դոհացում չստանալու պարագային՝ Կեդր. Կօմիտէին: Կօմիտէն պատասխանատուութեան կ'ենթարկուի եթէ բողոքը ստանալէ ետք մինչեւ եօթ օր բոլոր վերոյիշեալ դրութիւնները չյանձնէ պատկան մարմինն: Կօմիտէի վճիռը պարտաւորիչ է ցորչափ չէ բեկանուած Շրջան. Խորհուրդի եւ կամ Կեդր. Կօմիտէի կողմէն:

ՅՕԴ. 69.— Շրջ. Խորհուրդը կրնայ հաստատել կօմիտէի վճիռը կամ բեկանել: Երկրորդ պարագային՝ նոր դատ մը կը կատարէ, լուր տալով շահագրգռուող կողմերուն: Որոշուած օրը անոնք ներկայ ըլլան թէ առանց արդարացուցիչ պատճառի բացակային, Շրջ. Խորհուրդը կը քննէ դատը եւ կուտայ իր վճիռը, որ պարտաւորիչ է քանի չէ բեկանուած Կ. Կօմիտէի կողմէն:

ԾԱՆՕԹ.— Շրջ. Խորհուրդի վնիռին դէմ բողոք կ'ուղղուի Կ. Կ.-ին, որ կրնայ հաստատել կամ բեկանել այդ վնիռը: Երկրորդ պարագային՝ Կեդր. Կօմիտէն կը կատարէ նոր դատ մը, լուր տալով շահագրգռուող կողմերուն: Որոշուած օրը անոնք ներկայ ըլլան քէ առանց արդարացուցիչ պատճառի բացակային, Կեդր. Կօմիտէն կը քննէ դատը եւ կուտայ իր վնիռը, որ պարտաւորիչ է ցորչափ չէ բեկանուած Պատգմ. Ժողովի կողմէն:

ՅՕԴ. 70.— Եթէ ուեէ կազմ (խումբ, կօմիտէ, Շրջ. Խորհուրդ) ուղէ բողոքել Կեդր. Կօմիտէի վճիռին դէմ, պէտք է դիմէ Պատգմ. Ժողովին:

ՅՕԴ. 71.— Պատգմ. Ժողովի դատական յանձ-

նախուժութիւն առջեւ կը հրաւիրուին երկու կողմերը այն ատեն միայն, երբ բողոքադիրը պատճառաբանուած է եւ դատաւարութեան մէջ անկանոնութիւն, քերութիւն կամ աշտուարիւն տեղի ունեցած է: Յանձնախումբին առջեւ նոր դատ չի կրնար տեղի ունենալ, այլ կրնայ խօսուիլ ու վկայուիլ միմիայն բողոքին վերոյիշեալ կէտերը ապացուցանելու համար:

ՅՕԴ. 72.— Դատական յանձնախումբը իր եզրակացութիւնները կ'ենթարկէ Պատգմ. Ժողովի վաւերացումին: Պատգմ. Ժողովը որոշումը պաշտօնապէս կը հաղորդուի Կեդր. Կօմիտէի կողմէն պատկան կօմիտէին՝ ի դորձագրութիւն:

ԵՐԱՇԽԱՒՈՐՈՒԹԵԱՆ ԳՈՒՄԱՐ

ՅՕԴ. 73.— Երբ ընկեր մը կամ ընկերներ իրրեւամբաստանեալ կամ ամբաստանիչ կը ներկայանան դաշնակցական ատեաններու առջեւ, կամ երբ իրենց դէմ արձակուած վճիռի մը վերաքննութիւնը կը պահանջեն, պարտաւոր են ձեռնհաս մարմնի որոշած քանակութեամբ երաշխաւորութեան դումար մը թողուլ իրենց պատկանած կօմիտէի, Շրջ. խորհուրդի կամ Կեդր. Կօմիտէի մօտ, եւ դումարներուն ընկալագրերը ներկայացնել դատական ատեանին:

ՅՕԴ. 74.— Ատեանի որոշման համաձայն, երաշխաւորութեան դումարներէն կը հողացուին դատական ծախքերը: Մնացած դումարները կը վերադարձուին իրենց տէրերուն:

ՎԵՐԱՀԱՍՏԱՏՈՒՄ

ՅՕԴ. 75.— Ուէլ ընկեր, որ կօմիտէէ մը հեռացուած է իր տուրքերը չվճարելուն համար, կըրնայ նորէն ընդունուիլ, կանխիկ վճարելով իր պարտքը եւ ստանալով կօմիտէի քուէներու մեծամասնութեան հաւանութիւնը:

ԾԱՆՕԹ.— Վերահաստատումի բոլոր որոշումները ենթակայ են Կ. Կօմիտէի վաւերացման:

ՅՕԴ. 76.— Անոնք, որ կամովին հրաժարած են կօմիտէէ մը՝ առանց պարտք թողելու եւ առանց իրենց մասին արձակուած վճիռէ մը խուսափած ըլլալու, իրր թեկնածու կը նկատուին եւ կ'ընդունուին յօդ. 3-ի եւ 7-ի համաձայն:

ՅՕԴ. 77.— Դատավճիռէ մը խուսափելու համար հրաժարած ընկերները չեն կրնար վերստին ընդունուիլ՝ մինչեւ որ չենթարկուին իրենց մասին տրուած վճիռին:

ՅՕԴ. 78.— Կօմիտէ մը կրնայ արտաքսուած կամ կախակայուած ընկեր մը կրկին ներս ընդունիլ՝ քուէներու երկու-երրորդի առաւելութեամբ, եթէ մեղմացուցիչ պարագայի մը հանդէպ գտնուի, կամ տրուած պատիժը չափազանց համարէ: Կօմիտէն պարտաւոր է իր նոր կարգադրութեան մասին լուր տալ Կեդր. Կօմիտէին:

ՅՕԴ. 79.— Մէկ անգամ արտաքսուած ընկեր մը կրնայ վերստին ընդունուիլ Դաշնակցութեան մէջ:

Ա.) Եթէ մեղմացուցիչ պարագաներ կամ արգարացուցիչ հոր վկայութիւններ երեւան եկած ըլլան.

Բ) Եթէ ստուգուի թէ իր արտաքսումին հետեւող ժամանակամիջոցին յիշեալը դոհացուցիչ կերպով բարեկտխած է իր վարձուները:

Արտաքսուած ընկեր մը վերստին ներս ընդունելու իրաւունքը ունի միայն անոր դատաւճիւրը արձակող մարմինը (խումբ, կոմիտէ, Շրջ. Խորհուրդ, Կ. Կոմիտէ կամ Պատգմ. Ժողով): Այդպիսին անոր ընկեր կը նկատուի:

ՇՐՋԱՆԱՅԻՆ ԺՈՂՈՎ ԵՒ ԽՈՐՀՈՒՐԴ

ՅՕԴ. 80. — Ամերիկայի կոմիտէները վեց չորհանի կը բաժնուին:—

Ա) Պօսթըն.

Բ) Նու Եօրք.

Գ) Քանըտա.

Դ) Տիթրօիթ.

Ե) Շիքաիօ.

Զ) Քալիֆօրնիա:

Պօսթընի շրջանին կը պատկանին հետեւեալ վայրերու կոմիտէները. — Իսթ Ուէյմըթ, Լին, Լուէլ, Լարընս, Հուայթընզվիլ, Հէյլըրհիլ, Մանչեսթըր, Քանքըրտ, Նէշուա, Փօթթլընտ, Մատիսըն, Ուինուսթի, Մօլտըն, Նուպէրիփօրթ, Ութթըրթաուն, Նիւթըն Բիքըր Յօլդ, Քէյմպըրիճ, Սաութհ Պօսթըն, Պօսթըն, Չարլզթաուն, Չլսի, Պրիւսթըր, Միլթըրտ, Վուսաքէթ, Վուստը, Հըտսըն, Ֆիշպըրի, Ֆրանքլին, Ինտիւն Օրչըրտ, Սիլերնիլֆիլտ, Սէյլըմ, Միտլօրօ, Պրաքթըն, Փութաքէթ, Սէնթըրլ Յօլդ, Փրալիտէնս, Իսթ Փրալիտէնս, Եւ յառաջիկային անոնց մօտերը կազմուելիք կոմի-

տէները:

Նու Եօրքի շրջանին կը պատկանին հետեւեալ վայրերու կոմիտէները. — Հարթֆըրտ, Թրօյ, Ութթըրլիթ, Ուաշինկթըն, Նու Եօրք, Պրանքս, Պըրուքլին, Ուէսթ Նու Եօրք, Նու Հէյլըն, Նու Պրիթըն, Մէրիտըն, Ուէսթ Հօպքըն, Պրիւսթօրթ, Եանքըրդ, Նօրֆօք, Փէթըրսըն, Պրիւսթթըն, Ֆիլլըտէլփա, Րիչմոնտ, Թրէնթըն, Քէմտըն, Եութիքը, Հօփուէլ, Պրիւսթըլ, Նուրք, Սիլըքըիւզ Եւ յառաջիկային անոնց մօտերը կազմուելիք կոմիտէները:

Քանըտայի շրջանին կը պատկանին հետեւեալ կոմիտէները. — Կօլթ, Կէօլֆ, Համիլթըն, Քիչնըր, Նայակըրթօլդ, Պաֆլօ, Պրէնթֆըրտ, Սէյնթ Քէթհըրինզ, Մըսինս, Թըրանթօ Եւ յառաջիկային անոնց մօտերը կազմուելիք կոմիտէները:

Տիթրօիթի շրջանին կը պատկանին հետեւեալ կոմիտէները. — Տիթրօիթի հինգ կոմիտէները (Տէլբէյ, Քաղաք, Իսթ Ճէֆըրսըն, Ուէսթ Պուլլֆարտ Եւ Հայլընտ Փարք), Փօնթիաք, Լանսինկ, Կրանտ Րաիիտզ, Թըլիտօ, Քիլիլէնտ, Էյքըրն, Երնկաթաուն, Քըլմապըս (խումբ), Տուքէյն, Իրի, Միտլիլ, Պրատըք, Եւ յառաջիկային անոնց մօտերը կազմուելիք կոմիտէները:

Շիքաիօի շրջանին կը պատկանին հետեւեալ կոմիտէները. — Սէյնթ Լուիզ, Իսթ Սէյնթ Լուիզ, Միլիտարիլիս, Կրանիթ Սիթի, Քանդըս Սիթի, Սէյնթ Ճօզըֆ, Պէթընտօրֆ, Կէրի, Ինտիւնս Հարպըր, Ուէսթ Փուլմըն, Շիքաիօ, Սաութհ Շիքաիօ, Ուօքէկըն, Քընօչա, Րէյսին, Միլուօքի, Սաութհ

Միւլուօքի, Վուա Րիլըր եւ յառաջիկային անոնց մօտերը կազմուելիք կօմիտէները :

Քալիֆօրնիայի շրջանին կը պատկանին հետեւեւալ կօմիտէները .— Ֆրէզնօ, Լօղ Անճըլլա (Ուէսթ), Փաուլըր, Եդըմ, Քինկզլըրկ, Սան Ֆրընչիսկօ, Թըրլաք, Փաւրլէէր, Թըքօմա, Րիտլի, Սիւաթլ, Թուլարէ, Սէլմը, Քլօվիս, Տէլ Րէյ, եւ յառաջիկային անոնց մօտերը կազմուելիք կօմիտէները :

ՅՕԴ. 81.— Շրջանի մը կօմիտէներու պատգամաւորներէն կազմուած ժողովը կը կոչուի Շրջանային Ժողով, ուր կ'ընտրուի գործադիր մարմին մը Շրջանային Խորհուրդ անունով :

ԵԱՆՕԹ. Ա.— Շրջանային Ժողովի պատգամաւորներուն ընտրութիւնը կը կատարուի ներկայ կանոնագրի յօդուած 95-ի համաձայն :

ԵԱՆՕԹ. Բ.— Շրջանային Ժողովները կը գումարուին Ամեր. Ընդհ. Պատգ. Ժողովէն առնուազն մէկ ամիս առաջ :

ՅՕԴ. 82.— Շրջանային Ժողով կը գումարուի .—

Ա) Շրջանի կօմիտէի մը կողմէն Կեդր. Կօմիտէի ղէմ բողոք մը լսելու .

Բ) Շրջանի գործերու բարելաւութեանը մասին խորհրդակցելու .

Գ) Շրջանային Խորհուրդը ընտրելու :

ՅՕԴ. 83.— Շրջանային Խորհուրդը կը բաղկանայ 5-7 ընկերներէ, մէկ տարի պաշտօնավարութեան պայմանով եւ վերընտրելի է :

ԵԱՆՕԹ.— Շրջ. Խորհուրդի անդամ կրնան ըլլալ միայն այն ընկերները, որոնք գէթ երկու տարի գտնուած են Դաշնակցութեան Ամերիկայի կազ-

մին մէջ եւ իրաւասու են յօդուած 10-ի համաձայն :

ՅՕԴ. 84.— Շրջ. Խորհուրդի պարտականութիւններն են .—

Ա) Այցելել իր շրջանի կօմիտէներուն եւ քննել անոնց հաշիւներն ու արձանագրութիւնները .

Բ) Համաձայն Կեդր. Կօմիտէի հրահանգներուն՝ գործադրութեան դնել Շրջ. Ժողովի որոշումները եւ ստատրել կուսակցական փրօփականտի գործին :

ՅՕԴ. 85.— Շրջ. Խորհուրդը կը համարուի իր շրջանի Գործադիր Մարմինը եւ առաջին Վերաքննիչ Ատենը :

ՅՕԴ. 86.— Իւրաքանչիւր Շրջ. Խորհուրդի տարեկան պիւտճէն կ'որոշուի Հ. Յ. Դ. Ամեր. Ընդհ. Պատգմ. Ժողովին կողմէն :

ՅՕԴ. 87.— Շրջ. Խորհուրդները իրենց վրայ դրուած պարտականութիւնները կատարելու համար կ'ստանան Կեդր. Կօմիտէէն բոլոր հարկ եղած կազմակերպական տեղեկութիւնները :

ՅՕԴ. 88.— Շրջանային Խորհուրդները կը մասնակցին Հ. Յ. Դ. Ամերիկայի Ընդհ. Պատգմ. Ժողովին մէկ-մէկ ձայնով :

ՊԱՏԳԱՄԱՌՈՐԱԿԱՆ ԺՈՂՈՎ

ՅՕԴ. 89.— Պատգմ. Ժողովը Ամերիկայի դաշնակցական շրջանի օրէնսդրական, դատական եւ ներկայացուցչական գերագոյն մարմինն է եւ կը գումարուի տարին անգամ մը :

ՅՕԴ. 90.— Արտակարգ Պատգմ. Ժողով կը գումարուի .

Ա) Երբ Կեդր. Կոմիտէն արտակարգ եւ ստիպողական դործի մը համար բոլոր Կոմիտէներու խորհրդակցութիւնը եւ հաւաքական տնօրինութիւնը անհրաժեշտ կը դռնէ:

Բ) Երբ Կոմիտէներու կէսէն առնուազն մէկ աւելին հարկ կը տեսնէ:

Դ) Երբ Կեդր. Կոմիտէն կը կազմալուծուի:

ՅԱՆՕԹ. — Կեդր. Կոմիտէի առնուազն հինգ անդամները կը պատրաստեն Պատգմ. Ժողովի հրաւիրագիրը:

ՅՕԴ. 91. — Պատգմ. Ժողովը կ'ընտրէ պատգամաւորներ Հ. Յ. Դ. Ընդհանուր Պատգամաւորական Ժողովին մասնակցելու՝ յանուն Ամերիկայի Դաշնակցութեան:

ՅԱՆՕԹ. — Եթէ Ընդհ. Պատգմ. Ժողովը գումարուի Ամերիկայի Պատգմ. Ժողովէն առաջ, Կեդր. Կոմիտէն պարտաւոր է պատգամաւորական քեկնածուներու եռապատիկ ցանկ մը զրկել բոլոր Կոմիտէներուն եւ անոնց (Պատգմ. Ժողովի քուէի ձայնով) մեծամասնութեան հաւանութեամբ զրկել պատգամաւորներ: Միեւնոյն ատեն Կեդր. Կոմիտէն Ընդհ. Պատգմ. Ժողովի օրակարգի հարցերը կ'ուղարկէ Կոմիտէներուն ի քննութիւն:

ՅՕԴ. 92. — Պատգմ. Ժողովը կ'ունենայ այլեւայլ յանձնախումբեր ըստ հարկին — դատական, հաշուեքննիչ, օրակարգի, յեղափոխական դործերու եւայլն, — որոնց դործելու եղանակը ճշդուած է Պատգմ. Ժողովի ներքին կանոնադրութեամբ:

ՅՕԴ. 93. — Պատգմ. Ժողովը կ'ստանայ Կեդր. Կոմիտէի համարատուութիւնը (տեղեկագրերն ու

հաշուեկշիւը) եւ հնարաւոր տնօրինութիւնները կ'ընէ պարտադանց մարմիններու (Կեդր. Կոմիտէի, Շրջ. Խորհուրդի, Կոմիտէի) կամ պատասխանատու ընկերներու նկատմամբ:

ՅՕԴ. 94. — Պատգմ. Ժողովը կ'ընտրէ Կեդր. Կոմիտէն եռապատիկ ցանկի մը վրայէն դադունի քուէարկութեամբ եւ քուէներու երկու-երրորդի առաւելութեամբ:

Քուէարկութենէն առաջ իւրաքանչիւր ընտրելիի մասին խորհրդակցութիւն կը կատարուի կամ կարծիքներ կը յայտնուին ընտրելիին բացակայութեանը:

ՅՕԴ. 95. — Ամէն Կոմիտէ իր իրաւասու անդամներու թիւին համեմատութեամբ՝ ներկայացուցիչ կը զրկէ Պատգմ. Ժողովին: Հինգ ընկերներէ բաղկացած Կոմիտէն Պատգմ. Ժողովին կը մասնակցի մէկ ձայնով, 25 ընկերներ ունեցող Կոմիտէն՝ 2 ձայնով, 45 ընկերներ ունեցող Կոմիտէն՝ 3 ձայնով եւ այսպէս իւրաքանչիւր յաւելուածական քսան անդամի համար աւելցնելով մէկ ձայն:

ՅՕԴ. 96. — Իրաւասու են այն Կոմիտէները, որոնք վճարած են իրենց կազմակերպական տուրքի առնուազն երեք չորրորդը:

ՅՕԴ. 97. — Այն հեռաւոր Կոմիտէները, որ 25 կամ աւելի անդամներ ունին եւ կը լրացնեն կանոնադրի տրամադրութիւնները, իրաւունք ունին զրկելու իրենց պատգամաւորները, պայմանով որ երբ ու դարձի ծախքը 80 տօլարէն աւելի չըլլայ: Երկու կամ աւելի Կոմիտէներ, որոնց իւրաքանչիւրը 25-էն պակաս ընկեր ունի, կրնան միանալ եւ

ղրկել իրենց պատգամաւորը վերոյիշեալ պայմանով:

ՅՕԴ. 98.— Քսանէ պակաս անդամ ունեցող հեռաւոր կօմիտէները, ինչպէս նաեւ Քալիֆօրնիայի չըջանի կօմիտէները, կրնան Պատգմ. ժողովին ներկայացուցիչ նշանակել տարրեր վայրերէ, եթէ ունէ պատճառով իրենք չեն կրնար պատգամաւոր զրկել:

ԾԱՆՕԹ.— Եթէ նշանակուած պատգամաւորը

1) Ուրիշ տեղէ մը արդէն ընտրուած է,

2) Ունէ պատմաւոր ընտրելի չի կրնար ըլլալ, Պատգմ. ժողովը իրաւունք ունի այդ ձայնը ուրիշ ընկերոջ մը տալու:

ՅՕԴ. 99.— Պատգմ. ժողովին չեն կրնար մասնակցել այն կօմիտէները, որոնք իրենց տարեկան տուրքը չեն վճարած կանխաւ (համաձայն յօդուած 96ր): Տուրքի մէկ մասը միայն վճարած կօմիտէներու պատգամաւորները կը մասնակցին Պատգմ. ժողովին խորհրդակցական ձայնով:

ՅՕԴ. 100.— Այն նորակազմ կօմիտէները, որոնց վաւերացումը Պատգմ. ժողովի գումարման օրէն գէթ վեց ամիս առաջ տեղի ունեցած չէ, չեն կրնար մասնակցել Պատգմ. ժողովին:

ՅՕԴ. 101.— Պատգամաւոր կրնան ընտրուել միայն այն ընկերները, որոնք առնուազն մէկ տարի իրաւասու դաշնակցական եղած են եւ առնուազն վեց ամիս գտնուած նոյն կօմիտէին մէջ: Անոնց վկայագրին մէջ այս պարագաները մասնաւորապէս չեն տրուելու են:

ՅՕԴ. 102.— Իւրաքանչիւր պատգամաւոր մէկ

քուէ միայն կրնայ ունենալ եւ մէկ կօմիտէ միայն ներկայացնել: Բայց հեռաւոր վայրերու կօմիտէները, եթէ ծախքերը նկատի ունենալով չկրնան իրենց ձայներու համեմատութեամբ ներկայացուցիչ զըրկել, կրնան մէկ պատգամաւոր զրկել երկու ձայնով:

Հեռաւոր կօմիտէ մը կրնայ իր ձայնը տալ մօտակայ կօմիտէի մը պատգամաւորին:

ՅՕԴ. 103.— Կեդր. Կօմիտէի անդամները ինչպէս նաեւ պատասխանատու ընկերները պատգամաւոր չեն կրնար ընտրուել:

ՅՕԴ. 104.— Կեդր. Կօմիտէն հաւաքաբար մէկ քուէով կրնայ մասնակցել Պատգմ. ժողովին, իր այդ իրաւունքը յանձնելով իր անդամներէն մէկուն: Կեդր. Կօմիտէին միւս անդամները ներկայ կը գտնուին Պատգմ. ժողովին եւ կը մասնակցին վիճարանութիւններուն, բայց միայն խորհրդակցական ձայնի իրաւունքով:

ՅՕԴ. 105.— Գործիչ ընկերները, «Հայրենիք»ի եւ «Ասպարէզ»ի խմբադրութիւնները, Շրջ. Խորհուրդները մէկ մէկ քուէով կը մասնակցին Պատգմ. ժողովին: Միւս պատասխանատու ընկերները ներկայ կը գտնուին Պատգմ. ժողովին եւ կը մասնակցին վիճարանութիւններուն, բայց միայն խորհրդակցական ձայնի իրաւունքով:

ՅՕԴ. 106.— Պատգամաւորներու երկու-երրորդի ներկայութիւնը օրինական կը դարձնէ Պատգմ. ժողովի բացումը:

ՅՕԴ. 107.— Պատգմ. ժողովը կ'ունենայ իր ներքին կանոնադրութիւնը:

ՅՕԴ. 108.— Մէկ ժողովի արձանագրութիւնը

կը կարդացուի յաջորդ ժողովին եւ կը վաւերացուի :

Լ ՈՒԾ ՈՒՄ

ՅՕԴ. 109. — Եթէ ունէ քաղաքական կամ այլ պատճառներով Դաշնակցութիւնը դադրեցնէ իր դռնութիւնը Ամերիկայի մէջ, վերջին Կեդր. Կօմիտէն կամ Շրջ. Խորհուրդը կամ Կօմիտէն պարտաւոր է յանձնել Հ. Յ. Դ. Բիւրօին, կամ զայն փոխարինող ձեռնհաս դաշնակցական մարմինն, Ամերիկայի Դաշնակցութեան պատկանող ամէն կարգի անշարժ ու շարժուն գոյք կամ հնչուն դրամ եւ գիւանական բոլոր գրութիւնները :

ՎԵՐԱԲՆՆՈՒԹԻՒՆ

ՅՕԴ. 110. — Պատգմ. ժողովը միայն կրնայ յաւելումներ կամ փոփոխութիւններ կատարել սոյն կանոնադրին վրայ :

Սոյն կանոնադրին ունէ յօդուածը փոփոխելու կամ ջնջելու վերաբերեալ ամէն առաջարկ իր պատճառարանութիւններով միասին կը ներկայացուի Կեդր. Կօմիտէին ամենէն ուշ Պատգմ. ժողովէն երեք ամիս առաջ. սրպէսդի Կեդր. Կօմիտէն Պատգ. ժողովին ներկայացուելիք հարցերու ցանկին մէջ դնելով դանոնք, ներկայացնէ Կօմիտէներու քննութեանը : Ուղղակի Պատգմ. ժողովին բերուած կամ հոն յարուցուած ալիքախի առաջարկներ նկատի չեն առնուիր, ալ կը յանձնուին Կեդր. Կօմիտէին, զըրուելու համար յաջորդ Պատգմ. ժողովին ներկայացուելիք հարցերու ցանկին վրայ :



